

POJAŠNJENJA NAČINA OBAVLJANJA PRIJEVOZA U/IZ/KROZ KRALJEVINU DANSKU U POGLEDU POTREBE I VRSTE TRANSPORTNE DOZVOLE

Bosna i Hercegovina i Kraljevina Danska temeljem Protokola iz 1997.godine, razmjenjuju bilateralno-tranzitne i dozvole za prijevoz tereta u/iz trećih država.

Prema odredbama Protokola iz 1997.godine, razmijenjene dozvole za prijevoz tereta izdate za tekuću godinu, vrijede do 31.01. naredne godine.

1. BILATERALNI PRIJEVOZI

· Za prijevoze iz Bosne i Hercegovine u Kraljevinu Dansku ili iz Kraljevine Danske za Bosnu i Hercegovinu potrebna je bilateralno-tranzitna dozvola ili CEMT dozvola.

2. TRANZITNI PRIJEVOZI

· Za tranzitne prijevoze kroz Kraljevinu Dansku potrebna je bilateralno-tranzitna dozvola ili CEMT dozvola.

3. PRIJEVOZ U/IZ TREĆE DRŽAVE

· Za prijevoz u/iz treće države prema važećem Protokolu iz 1997.godine, potrebna dozvola za prijevoz tereta u/iz treće države ili odgovarajuća CEMT dozvola.

4. PRIJEVOZ NA OSNOVU CEMT DOZVOLE

Kraljevina Danska je članica Međunarodnog transportnog foruma (ITF) i učestvuje u CEMT kvoti, te s tim u vezi, potrebno je imati u vidu osnovno CEMT pravilo da prilikom obavljanja prijevoza na osnovu CEMT dozvole, ista se mora nalaziti u vozilu od mjesta utovara do mjesta istovara (što se mora evidentirati i u CEMT dnevniku vožnji).

Primjeri:

1. Ako vozilo obavlja prijevoz, na osnovu austrijske CEMT dozvole, iz Bosne i Hercegovine za Kraljevinu Dansku uz tranzit Austrije, tada se u vozilu mora nalaziti austrijska CEMT dozvola, od mjesta utovara u Bosni i Hercegovini, do mjesta istovara u Kraljevini Danskoj, kao i CEMT dnevnik vožnji u kojem je navedena ova relacija sa svim potrebnim podacima.
2. Ako vozilo, na osnovu CEMT dozvole koja ne vrijedi na teritoriji Austrije, obavlja prijevoz iz Bosne i Hercegovine za Kraljevinu Dansku uz tranzit Austrije, tada se prijevoz može obaviti na način da se CEMT dozvola nalazi u vozilu od mjesta utovara do mjesta istovara, a da se za tranzit Austrije koristi i takođe u vozilu nalazi bilateralno-tranzitna dozvola uredno popunjena, te da se u Napomenama u CEMT dnevniku vožnje za predmetnu relaciju navede broj austrijske bilateralno-tranzitne dozvole. **Pažnja:** Ako se prijevoz obavlja između Kraljevine Danske i neke treće države uz tranzit Austrije, tada se jedino može koristiti austrijska CEMT dozvola (vidjeti Režim obavljanja prijevoza sa Austrijom).

5. KONTAKT OSOBE PREMA VAŽEĆEM PROTOKOLU IZ 1997.GODINE

U važećem Protokolu Mješovite komisije, nisu definirane kontakt osobe svake od strana, za rješavanje problema nastalih prilikom obavljanja međunarodnog cestovnog prijevoza.

22.12.2021.godine

Pripremio,
Zijad Sinanović, dipl.ing.saob